

## আন্তর্জাতিক বার্ড ফ্লু কোশল প্রণীত হচ্ছে

চার্লিন পোর্টার  
ওয়াশিংটন ফাইল স্টাফ রাইটার

ওয়াশিংটন, ৩০শে অক্টোবর -- আন্তর্জাতিক স্বাস্থ্য সংস্থা (ডব্লিউএইচও) এভিয়ান ইনফ্লুয়েঞ্জার বিস্তৃতি প্রতিরোধের জন্য একটি কর্ম পরিকল্পনা প্রণয়নের লক্ষ্যে আগামী মাসের ৭-৯ পর্যন্ত জেনেভায় এক বৈঠকে মিলিত হচ্ছে।

বিশ্ব স্বাস্থ্য সংস্থা (ডব্লিউএইচও), জাতিসংঘ খাদ্য ও কৃষি সংস্থা এবং বিশ্ব পশু স্বাস্থ্য সংস্থা যৌথভাবে এই বৈঠকের আয়োজন করেছে। আয়োজক সংস্থাগুলো জানিয়েছে যে, বৈঠকের শিরোনাম হবে “দি এইচ৫এনওয়ান এজেন্ডা:টুওয়ার্ডস এ গ্লোবাল স্ট্র্যাটেজি”।

বিশ্ব স্বাস্থ্য সংস্থা গত ২৬শে অক্টোবর জানিয়েছে যে, বৈঠকের উদ্দেশ্য হবে প্রাণী দেহে এভিয়ান ফ্লু’র সূত্র এবং মানবদেহে ইনফ্লুয়েঞ্জার বিস্তৃতি নিয়ন্ত্রনে একটি দ্বৈত কোশল প্রণয়ন করা।

গত ২০০৩ সালের শেষ দিক থেকেই দক্ষিণ এশিয়ায় এভিয়ান ইনফ্লুয়েঞ্জা বিস্তৃতির কারণে সবচেয়ে বেশী সংখ্যায় পাখির মধ্যে অসুস্থতা ও মৃত্যু দেখা দিয়েছে।

এইচ৫এনওয়ান ভাইরাসের কারণে ১৫ কোটিরও বেশী পাখির মৃত্যু অথবা ধ্বংস হয়ে যায়। এই ভাইরাস দক্ষিণ এশিয়া ছাড়িয়ে এখন তুরস্ক ও ক্রোয়েশিয়ায় দেখা দিয়েছে।

মানব দেহ সংক্রামিত করার ক্ষমতাও এই ভাইরাসের রয়েছে। ইতিমধ্যে চারটি দেশে ১২১ জন মানুষ এই ভাইরাসে আক্রান্ত হয়েছে এবং ৬২ জন মৃত্যুবরণ করেছে। সংশ্লিষ্ট দেশগুলোর কর্তৃপক্ষ এই মর্মে হুঁশিয়ারী উচ্চারণ করেছে যে, মানব দেহে এই ভাইরাস সংক্রামিত হলে তা ফ্লু আকারে বিস্তৃতি লাভ করে বিশ্বব্যাপী লাখ লাখ মানুষের মৃত্যুর কারণ হতে পারে।

বিশ্ব স্বাস্থ্য সংস্থার গত ২৬শে অক্টোবরের ঘোষণা অনুযায়ী আগামী ৭-৯ নভেম্বর পর্যন্ত জেনেভাতে অনুষ্ঠিতব্য বৈঠকের লক্ষ্য হচ্ছে জনস্বাস্থ্য পরিস্থিতির প্রতি আন্তর্জাতিক সচেতনতা জাগিয়ে তোলা এবং এর অগ্রগতি ও প্রয়োজনীয়তার বিষয়গুলো সনাক্ত করা।

বিষয়টির উপর গুরুত্ব দিয়ে দক্ষিণ-পূর্ব এশিয়া সফর থেকে ফিরে গত ২১শে অক্টোবর এক সংবাদ সম্মেলনে পররাষ্ট্র দপ্তরের গণতন্ত্র ও আন্তর্জাতিক বিষয়ক আন্ডার সেক্রেটারি পওলা ডোবরিনাস্কি বলেন, “ভিয়েতনাম, লাওস, ক্যাম্বোডিয়া ও ইন্দোনেশিয়ার মত সবচেয়ে আক্রান্ত দেশগুলোকে সহায়তা করার আন্তর্জাতিক প্রচেষ্টায় যুক্তরাষ্ট্র সরকার ৩ কোটি ৮০ লাখ ডলার প্রদান করেছে। এই ভাইরাস নিয়ন্ত্রণে এসকল দেশগুলোর সক্ষমতা বৃদ্ধি প্রয়োজন।”

=====

*\*(ওয়াশিংটন ফাইল যুক্তরাষ্ট্র পররাষ্ট্র দফতরের অফিস অব ইন্টারন্যাশনাল ইনফরমেশন প্রোগ্রামস-এর একটি প্রকাশনা।)*

**জিআর/ ২০০৫**

**দ্রষ্টব্য:** এই নিবন্ধের ইংরেজি ভাষা ‘আমেরিকান সেন্টার’-এ পাওয়া যাবে। যদি আপনি ইংরেজি ভাষাটি পেতে অগ্রহণী হন, তবে ‘আমেরিকান সেন্টার’ প্রেস সেকশনে (টেলিফোন: ৮৮১৩৪৪০-৪, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং Website: [dhaka.usembassy.gov](http://dhaka.usembassy.gov) (New) এ যোগাযোগ করুন।